

AVGJERD I EØS-KOMITEEN
nr. 51/2003

av 16. mai 2003

om endring av vedlegg XIII (Transport) til EØS-avtala

EØS-KOMITEEN HAR –

med tilvising til avtala om Det europeiske økonomiske samarbeidsområdet, endra ved protokollen om justering av avtala om Det europeiske økonomiske samarbeidsområdet, heretter kalla “avtala”, særleg artikkel 98, og

på følgjande bakgrunn:

- 1) Vedlegg XIII til avtala vart endra ved avgjerd i EØS-komiteen nr. 36/2003 av 14. mars 2003⁽¹⁾.
- 2) Kommisjonsvedtak 2002/885/EF av 7. november 2002 om endring av rådsdirektiv 96/49/EF med omsyn til fristane for når trykkfat, flaskebatteri og tankar til jarnbanetransport av farleg gods må stette føresegnene i direktivet⁽²⁾, skal takast inn i avtala.
- 3) Kommisjonsvedtak 2002/886/EF av 7. november 2002 om endring av rådsdirektiv 94/55/EF med omsyn til fristane for når trykkfat, flaskebatteri og tankar til jarnbanetransport av farleg gods må stette føresegnene i direktivet⁽³⁾, skal takast inn i avtala –

TEKE DENNE AVGJERDA:

Artikkel 1

I vedlegg XIII til avtala vert det gjort følgjande endringar:

1. I nr. 42b (rådsdirektiv 96/49/EF) skal nytt strekpunkt lyde:
”– **32002 D 0885:** Kommisjonsvedtak 2002/885/EF av 7. november 2002 (TEF L 308 av 9.11.2002, s. 44).”
2. I nr. 17e (rådsdirektiv 94/55/EF) skal nytt strekpunkt lyde:
”– **32002 D 0886:** Kommisjonsvedtak 2002/886/EF av 7. november 2002 (TEF L 308 av 9.11.2002, s. 45).”

⁽¹⁾ TEU L 137 av 5.6.2003, p. 42, og EØS-tillegget til TEU nr. 29 av 5.6.2003, s. 27.

⁽²⁾ TEF L 308 av 9.11.2002, s. 44.

⁽³⁾ TEF L 308 av 9.11.2002, s. 45.

Artikkel 2

Teksta til vedtak 2002/885/EF og 2002/886/EF på islandsk og norsk, som vil verte kunngjord i EØS-tillegget til *Tidend for Den europeiske union*, skal verte gyldig.

Artikkel 3

Denne avgjerda tek til å gjelde 17. mai 2003, på det vilkåret at EØS-komiteen har motteke alle meldingar etter artikkel 103 nr. 1 i avtala^(*).

Artikkel 4

Denne avgjerda skal kunngjerast i EØS-avdelinga av og EØS-tillegget til *Tidend for Den europeiske union*.

Utferda i Brussel, 16. mai 2003.

*For EØS-komiteen
Formann*

P. Westerlund

Sekretærer for EØS-komiteen

P.K. Mannes M. Brinkmann

^(*) Ingen forfatningsrettslege krav oppgjevne.